

a2<sup>r</sup>

Dem durchlüchtigen hochgepornen loblichften fürften  
vñd hernn/ hern Görge pfaltzgrauen bey Reyn. hertzog-  
gen in nidern vnd obern baiern 7c. Erputet dietherich  
Reifach von bruchfel. baiden rechten doctor. vnd der lob  
wirdigen vniuerfitet ingolfat. in den kaiferlichē rechten.  
ordenlicher lefer. als feinem gnädigen hernn. fich feiner  
gehorfamen vnd willigen dienften.

Durchleüchtiger. hochgeporner. löblicher fürft vñ gnediger herr. So ich  
vormals vnd allweg vernūmen. wie Eüwer fürftlich gnaden. in erkant-  
nus der ſchönen vñ wüderbarlichen gefchichtē. funderlich wolgefallē.  
freüd vnd ergetzlichait haben. folhen täglich mit mererm vleiß nach ftellen. beuorab  
die zū der zier gottes vnd zū beueftigung der hayligen gefetz dienen. welcher vleis vñ  
begir von götlichem in fluß. E.f. g. (als ich vermain) alweg vō iugent vff anhengig  
gewefen. vnd fo die felb in handthabung der gerechtikait. vil ander fürften fürgeet.  
ift nir vnbequem. das fy ir fürfetzt. großmächtiger männer ſcheimberlich vnd mech-  
tig gefchicht. da mir ſie d<sup>9</sup> vnderthon fitten vnd wefen fo vil. die ware gütikait berūrn.  
pelfern möge fürwar. E. f. g. thūen als ainem frūmen fürften zūgehört (die ytzung nit  
gemin feind) vnd fo die felb. E. f. g. vō got dem almechtigen zū wiffen. die gefchicht  
vnd nach den. ſich regiren. funderlich begabt. wōllen die kurtzen hyftorien Ariftee.  
von ainem vnd libentzigen auß legern der hayligen gefetz am vordertag von mir in.  
E.f. g. namen. auß latinifcher ſprach in tütſch gewent So verr. großer gefchefften  
halb mit den die offtgenant E. f. g. täglich beladen ift. der muß haben mag überlefen  
in dē büchlin (wie wol es klainift) werden E. f. g. Clårlich vñ natürlich. eben als ob  
ſie leiplich vor augē ſeche ſchawen vñ vinden klaiden vñ ornāt. der alten hohen prie-  
ftern koſperlikait irer credentz mit bechern. Schalen. Tifche. vnd der gleichen. alles  
von gold. Die beſchreybung der ſtat ierufalem. des hailigen tempels Salomonis vñ  
des iüdiſchen lands. dar zū eben vil fruchtbarer fragen vnd antwort ainem ieden für-  
ften ſchön vnd nutzbar zewiffen. die mer götlich dan menſchlich zeachten feind. Ver-  
rer werden die felb. E. f. g. erlernen wie der großmechtig künig ptholomeus ſich gegen  
dem oberften priester vnd feinen gefenten gehalten hat. auß den allen on zwifel E. f.  
g. funderlich vnd großwolgefallen ſchöpffen mögen Jre felbs vñ dem gantzen land  
zū fruchtperlichem hayl vnd erfchiellichem nutz Defhalb ich bewegt. E. f. g. folchs  
zūſchryben. Beuorab fo ich hab die felb. lange zyt mit günftigem gemüt geeret vñ ge-  
liebet vō wegen gnediger naigung vnd gunft zū den gelerten. wie wol ich. mich der  
felben zale nit berūm Aber mich dennoch. folher tugent. vnd großer weißhait verwū-  
dert. Hierumb Gnedigſter herr Neme- E. f. g. wol gefellig ane. Dife klaine mir ver-  
mögliche gabe. Die ich felbs nit achtpar ſchätz So aber eüwer fürftlich gnad. in  
allem ſchein des lebens gantzlich volkummer tugent wolriechung tregt. bitt ich die  
felben vnderthenigs empfigs vliß. was darinn gütz vnd wie wenig das ift. dafs mei-  
ner vnderthenigen dienften vnd gehorſam bey ire gnedige. Ewige gedechtnuß ſtatt ge-

geben werde Da mit aller gepietentifter herr. gerüchenfåligkait. wol mögen vnd  
alles glücks hoffnung tragen in benügung des götlichen willen Geben zů Jngol  
ftat vff des neüen iars tag Anno. m d ii.